

Ubumi

Ipepala 4

hello@dignityonline.org.uk

+447340 573 937

Bonse pamo!

Kwali Imfumu imo iyaitile abantu baiko ku mutebeto uukalamba nganshi. Abantu bafumine mu ncende shakutali ukwisa ku mutebeto - baishile nabafwala ubusaka elyo nabasenda ne fyabupe ifyakwisa tuula Imfumu. Imfuma yali sansamwike apakalamba sana pantu yalefwaisha ukumona abantu abo yaleteka, abali mu bufumu bwakwe.

Panuma ya nshiku shimo yamwene ukutila abantu abengi balepusana. Balepusanina pa mulandu waku cimfyanya pa misungile ya ntambi sha calo, no kucimfyanya pa kwimba bwino. Kwali fye ukupusana napakati ka bantu abafumine mu mishi imo ine. Imfumu yailwike ukutila aba bantu tabakumana capamo iyo elyo kabili bali patukana sana.

Imfumu yaumfwile ububi sana pa mulandu waici kabili yapangile ukucitapo icintu cimo.

Bushiku bumo yakolonganike ba mwine mushi bonse mu muputule umu uukalamba. Pa mulu wa muputule, yakobekepo ulupanga apatali sana. Elyo yatile, uyo uulebula ulupanga ewalaba imfumu. Yalamupeela ubufumu bonse.

Bamwine mushi bapeshiwe amano kabili batendeke ukulwishanya pakutila babule ulupanga mumulu. Bonse baeseshe ukunina icibumba, lelo balifililwe. Abengi bamwine mushi te pakukalabana ukulwishanya icakutila balabile no kukunina ukuya buula ulupanga ulu lwali pa mulu. Panuma ya kulwishanya insa imo, bonse banaka icine cine no kunenuka banenuka.

Elyo imfumu ya mano yatile, "Bushe mulemona ukutila umuntu umu pali imwe kuti akwanisha eka fye ukucita ifi? Teti ficitike iyo, umutenge walilepesha sana umuntu nelyo umu teti afikepo eka." Elyo yabulapo abantu 5 baiminina panshi naba shinguluka, elyo na bambi 3 banina pa fipeya fya balya 5, elyo na bambi 2 pa mulu wa balya 3. Bamwine mushi bacitile ifyo Imfumu yabebele, lelo tabakwanishe ukufika pa mulu iyo. Elyo nomba, Imfumu iine yaninine pamulu waba mwine mushi balya batanteme bonse yabula no lupanga.

Casendele abantu bonse ukubombela pamo elyo babulile ulupanga. Ne Mfumu yafwaikwe ukwafwilishiwa na bantu bambi pakutila inga bula ulupanga.

Efeso 2:19-22 itulanga ukutila ifi ilingi efyo caba mu lukuta:

"Kanshi eico nomba na imwe mwe Benafyalo tamuli beni nangu imitulatulafye iyoo. Na imwe nomba muli bakaya pamo na bamushilo, mulifye bantu ba mu lupwa lwakwa Lesa."

Bikeni Muku Cita!

Bushe teti mwite abantu ukufuma munkuta ishalekana lekana muncende shimbi isha mushi wenu? Ukwisa kwata fye ifyakulya pamo, ukupepela pamo, ukukwata inshita pamo cikalenga mukeshibe ukutila ukubombela pamo kuti twaba abakosa ukucila ukuba abalekana.


Pepeni ukutila:

- 1) Kuti kwaba ukupwisha ifyongo mumushi wenu no kuwikishanya.
- 2) Umutima obe ukesulamo inkumbu pa mulandu wa bantu abakushinguluka.
- 3) Ukulunduluka kukabapo ilyo muka tendeka uku bombela pamo.



"INalimona ukutila ifintu ifileta ubwafya pakati kesu mu mishi yesu 'kupasana palwa mipepele yesu'. Tulingile ukubiika ifi fyonse pa mbali nokushintilila fye pali Yesu."

- Moses, Katima Mulilo, Namibia



Ili isambalisho lya fuma mu "Ubumi kupitila mu Lupwa" isambalisho ilyaba mu citabo ca Ukulimba: Amasambalisho yakankala aya Mabumba Yabumi, lilasangwa apa:

dignityonline.org.uk/publications